

Fouxgyongluengz (“Gincwzgwzlah”) Nanzdanh

□ Godoq comz hoiz



▲ Aen ciengzmienh vunlai humx yawj Gincwzgwzlah.

◀ Baenz cien vunz caez diuq Gincwzgwzlah.



▲ Boux swnjcienz Liz Fangh-caiz cingq diuq Gincwzgwzlah.



▲ Baijok gij hongdawz diuq Gincwzgwzlah.



▲ Youq gyang doengh diuq Gincwzgwzlah.



▲ Vunz daihlaeng swnj-cien Gincwzgwzlah.



▲ Daengz Gvangjsih Minzcuz Bozvuzvanj yienj hawj vunlai yawj.



▲ Vunz dangdieg lienh diuq Gincwzgwzlah.



▲ Youq gwnz daizheiq diuq Gincwzgwzlah.

“Gincwzgwzlah” Nanzdanh dwg cungj foux gyoengqvunz Bwzguyauz gyaemaij ndeu, dwg gij gyonjcomz vwnzva maenhndei youz vunlai Yauzcuz youq ndaw lizsij hwngfat nanznanz de cauh baenz haenx, baihindaw baugvat doenghij lizsij, vwnzva, fungsug vunlai, cunghgyau daengj doenghyiengh.

“Gincwzgwzlah” dwg ciuq gij yaem vah Bwzguyauz hoiz, eiqsei dwg “dwk lingzgeq”; aenvih aeu gyongluengz buenx sing couh youh heuhguh “fouxgyongluengz”. “Gincwzgwzlah” Nanzdanh daj fungsug vunlai Bwzguyauz hairanzcai

ndawde hwngfat daeuj, dwg sam cungj fungsug hairanzcai ndawde cungj ndeu, couhdwg gyongluengz dajcaeq.

Gyoengqvunz Bwzguyauz hairanzcai seizhaenx cungj yaek guh aen yizsi dajcaeq hung, ndaw yizsi miz aen neiyungz ndeu dwg roq gyongluengz. Guh gij saeh neix ne, couhdwg aeu hauilai aen gyongluengz venj coq gwnz gyaqfaex, boux ndeu fwngzswix gaem fagcuiz roq gyang naj gyongluengz, fwngz-gvaz gaem gaiq faexgyaenq iq ndeu roq henz gyongluengz, boux ndeu dawz aen doengjfaex ndeu soengq

haeuj ndaw gyong youh daz ok-daeuj, yienghneix haeujhaeuj okok. Gyoengqde nda hauilai aen gyongluengz baenz yiengh bakdou. Youq gyang “bakdou” neix, miz aen gyongfaex ndeu sang mij ndeu baedauq, dungx na 60 lizmij. Boux ndeu doq roq gyongfaex doq diuq-foux. Cungj foux neix couhdwg “Gincwzgwzlah”.

Diuq “Gincwzgwzlah” ne youz aen gyongnaeng ndeu vixyinx, bouxyienj roq hauilai aen gyongluengz hawj gyoengqde caezcaemh yiengj, gyongluengz caeuq doengjrumz caez yiengj, bouxvixyinx doq roq doq diuq, gij ningdoengh de ciuq duzlingz gwnz bya, vunlai humx gij gyongluengz neix buenx diuq; gij yienghsiengq ningdoengh miz daegsaek ciuh gaeuqgeq, riengjret, mizrengz. Gij ningdoengh daeuz “Gincwzgwzlah” miz roq song baez, roq baez ndeu, heux gyong roq song baez caeuq duzlingz loengh gyong daengj 14 mbaek, gungh 70 aen cietbek.

2014 nienz 11 nyied 11 hauh, “Gincwzgwzlah” Nanzdanh ginggvaq Gozvuyen baecin, ndaej lied haeuj daihsei q buek guekgya gaep feihyiz gya’gvangq mingzloeg.